


四分律藏

才五十五

三百廿六  
隨五

50110



British Museum

50110

50110

四分律藏卷第五十五

隨

姚秦三藏佛陀耶舍共竺佛念譯

第四分調部毗尼五之初

尔時世尊在毗舍離時優波離即從座起偏  
露右肩右膝著地合掌白佛言須提那迦蘭  
陀子與故二行不淨行是犯波羅夷不佛語  
優波離最初未制戒不犯尔時婆闍子比丘  
愁憂不樂不樂淨行即還家與故二行不淨  
彼作是念世尊為諸比丘制戒若比丘犯不  
淨行行婬欲法得波羅夷不共住我愁憂不  
樂不樂淨行與故二行不淨我將無不犯波  
羅夷耶不知云何即語同伴比丘世尊為諸



比丘制戒若比丘犯不淨行行婬欲法得波羅夷不共住而我愁憂不樂不樂淨行還家與故二行不淨我將無不犯波羅夷耶善哉長老可爲我白佛隨佛所教我當奉行我若復得於佛法中得修淨行者我當行之時彼比丘即往佛所頭面禮足却坐一面以此因緣具白世尊世尊亦時以此因緣集比丘僧無數方便呵責婆闍子比丘言汝所爲非非沙門法非淨行非隨順行所不應爲云何癡人不樂淨行而還家與故二行不淨入便犯波羅夷不共住若有餘比丘愁憂不樂不樂淨行者聽捨戒而去若復欲於佛法修清淨

行者還聽出家受大戒。介時優波離從坐起。偏袒右肩。右膝著地。合掌白。世尊。言是道。作道。想爲犯。不佛言。波羅夷。復問。是道。疑是犯。不佛言。波羅夷。復問。是道。非道。想是犯。不佛言。波羅夷。復問。非道。道。想是犯。不佛言。偷蘭遮。復問。非道。疑是犯。不佛言。偷蘭遮。復問。是男作女。想行不淨。是犯。不佛言。波羅夷。復問。是女作男。想行不淨。是犯。不佛言。波羅夷。復問。與此女人通。作彼女人。想共行不淨。行是犯。不佛言。波羅夷。於此男作彼男。想共行不淨。是犯。不佛言。波羅夷。時有比丘與女象行。不淨。彼疑是犯。波羅夷。不佛言。犯如是。特牛。

馬駝鹿驢羊猪狗鴈鳥孔雀雞如是一切盡  
波羅夷介時世尊在毗舍離時有一乞食比  
丘在林間住有雌獼猴林間行此比丘出人  
間乞食持還林中食有餘食與此獼猴獼猴  
遂便親近隨逐東西乃至手捉不去時比丘  
即共行不淨時衆多比丘案行房舍卧具次  
至彼林中彼獼猴來在諸比丘前住舉尾現  
相彼諸比丘作如是念此雌獼猴今在我等  
前現相如是將無有餘比丘犯此獼猴耶即  
便隱在屏處伺之時乞食比丘持食還林中  
食已持與獼猴獼猴食已共行不淨彼諸比  
丘觀見即語言長老佛不制比丘不得行不

淨耶彼荅言佛制人女不制畜生時諸比丘  
往佛所頭面禮足却坐一面以此因緣具白  
世尊世尊爾時以此因緣集比丘僧呵責彼  
乞食比丘言汝所爲非非威儀非沙門法非  
淨行非隨順行所不應爲云何乃與獼猴共  
行不淨入便波羅夷癡人不應共住尔時優  
波離從坐起偏露右肩右膝著地合掌白世  
尊言大德若比丘與餘畜生行不淨是犯波  
羅夷不佛言犯尔時世尊在王舍城有難提  
比丘坐禪得世俗心解脫從第四禪覺已時  
魔天女即在前立比丘捉欲犯魔女便出外  
比丘亦隨出外彼出屋欄外比丘亦隨出屋

欄外彼出中庭比丘亦隨出中庭彼出寺外  
比丘亦出寺外寺外有死驢馬彼於死馬所  
便滅天形不現時難提比丘便於死馬形行  
不淨行行不淨已都無有覆藏心即作是念  
世尊爲諸比丘制戒不得行不淨若行不淨  
波羅夷不共住而我今行不淨都無有覆藏  
心我將無犯波羅夷耶我當云何即語同伴  
比丘世尊爲諸比丘制戒若比丘行不淨得  
波羅夷不共住而我今犯不淨都無覆藏心  
將無犯波羅夷耶善哉長老爲我白佛隨佛  
所教我當奉行時諸比丘往佛所頭面作禮  
却坐一面以此因緣具白世尊世尊亦時以

此因緣集比丘僧告言今僧與難提比丘波  
羅夷戒白四羯磨如是與彼比丘應往僧中  
脫革屣偏露右肩右膝著地合掌作如是白  
大德僧聽我難提比丘犯姪法都無覆藏心  
今從僧乞波羅夷戒願僧慈愍故與我波羅  
夷戒如是第二第三說衆中應差堪能羯磨  
人如上作如是白大德僧聽此難提比丘犯  
姪法都無覆藏心今從僧乞波羅夷戒若僧  
時到僧忍聽僧今與難提比丘波羅夷戒白  
如是大德僧聽此難提比丘犯姪法都無覆  
藏心今從僧乞波羅夷戒僧今與難提比丘  
波羅夷戒誰諸長老忍僧與難提比丘波羅

夷戒者默然誰不忍說是初羯磨第二第三  
如是說僧已與難提比丘波羅夷戒竟僧  
忍默然故如是持與波羅夷戒已應隨順行  
是中隨順行法者不應授人大戒及與人依  
止不應畜沙彌不應受教授比丘尼設差不  
應往教不應爲僧說戒不應在借中間問答毗  
尼不應受僧差使作知事人不應受僧差別  
處平斷事不應受僧差使命不應早入聚落  
暮還應親附比丘不應親附外道白衣應隨  
順比丘法不說餘俗語不應更犯此罪餘亦  
不應若相似若從此生若重於此者不應非  
羯磨非羯磨者不應受清淨比丘敷座洗足

水水器拭革徒揩摩身及禮拜迎逆問訊不  
應受清淨比丘捉持衣鉢不應舉清淨比丘  
爲作憶念作自言不應助他語不應遮說戒  
自恣不應與清淨比丘諍與波羅夷戒比丘  
僧說戒及羯磨時來不來無犯諸比丘作如  
是語比丘與波羅夷戒已復重犯應得更與  
波羅夷戒不佛言不應尔應滅擯尔時有比  
丘體軟弱以男根内口中彼疑我將無犯波  
羅夷耶佛言犯時有比丘字藍婆那男根長  
持内大便道中彼疑我將不犯波羅夷耶佛  
言犯時有比丘男根起異比丘即持自内口  
中此比丘不以爲樂即却不受生疑我將無

犯波羅夷耶佛言汝不犯彼比丘犯時有乞  
食比丘晨朝著衣持鉢至白衣家白衣家有  
小兒男根起比丘即持自內口中已疑我將  
無犯波羅夷耶佛言犯時有比丘捉餘比丘  
共行姪彼疑我將無犯波羅夷佛問言汝受  
樂不荅言受佛言二俱波羅夷時有比丘共  
沙彌行姪疑我將無犯耶佛言汝沙彌受樂  
不荅言受佛言二俱犯時有沙彌捉大比丘  
共行姪疑佛言比丘汝受樂不荅言受佛言  
二俱犯時有沙彌與沙彌共行姪疑佛言汝  
受樂不荅言受佛言二俱犯時有比丘強與  
比丘共行姪不受樂還出疑佛言汝受樂不

答言不受佛言汝無犯入者犯時有比丘強  
捉沙彌行姪不受樂還出彼疑佛言汝沙彌  
受樂不答言不受佛言汝不犯入者犯時有  
沙彌強捉比丘共行姪不受樂還出疑佛言  
汝受樂不答言不受樂佛言汝不犯入者犯  
時有沙彌強捉沙彌行姪不受樂還出疑佛  
言汝沙彌受樂不答言不受樂佛言汝不犯  
入者犯時有比丘自身根壞無所覺觸彼作  
是念我不覺觸行姪得無犯彼即行姪已疑  
佛言汝犯波羅夷時有比丘男根不起念言  
我行姪無犯即便行姪疑佛言汝犯波羅夷  
時有比丘作是念我與眠女人行姪彼不覺

樂得無犯即便行姪疑佛言汝犯波羅夷時  
有比丘作是念與醉女人行姪彼不覺樂得  
無犯即共行姪疑佛言汝犯波羅夷時有比  
丘作是念我與顛狂女人行姪彼不覺樂得  
無犯即便行姪疑佛言汝波羅夷時有比丘  
作是念我與瞋恚女人共行姪彼不受樂得  
無犯即便行姪疑佛言汝波羅夷時有比丘  
作是念我與身根壞女人行姪彼不覺樂得  
無犯即便行姪疑佛言波羅夷時有比丘作  
是念我強捉女人共行姪彼不受樂得無犯

即便行姪疑佛言汝波羅夷時有比丘作是  
念我強捉黃門行姪彼不受樂得無犯即便  
行姪疑佛言汝波羅夷時有比丘作是念我  
強捉男子行姪彼不受樂得無犯即便行姪  
疑佛言汝波羅夷時有女人強捉比丘行姪  
比丘不受樂還出彼疑佛言比丘汝受樂不  
荅言不受樂佛言汝不犯時有黃門強捉比  
丘共行姪疑佛言比丘汝受樂不荅言不受  
佛言汝不犯時有男子強捉比丘共行姪彼  
不受樂還出疑佛言比丘汝受樂不荅言不  
受樂佛言汝不犯時有惡比丘惡沙彌惡阿  
蘭若捉比丘大便道若口中行姪彼身受樂

還出疑佛言汝受樂不荅言受樂佛言二俱  
波羅夷時有惡比丘惡沙彌惡阿蘭若捉比  
丘尼沙彌沙彌尼式叉摩那大小便道口中  
行姪彼受樂還出疑佛言汝受樂不荅言受  
樂佛言二俱犯時有惡比丘惡沙彌惡阿蘭  
若捉比丘大便道口中行姪彼不受樂疑佛  
言汝比丘受樂不荅言不受樂佛言汝不犯  
彼犯時有惡比丘惡沙彌惡阿蘭若捉比丘  
尼式叉摩那沙彌沙彌尼大小便道口中行  
姪彼不受樂還出疑佛言汝沙彌尼受樂不  
荅言不受樂佛言汝不犯彼犯時有惡比丘  
惡沙彌惡阿蘭若捉眠比丘大便道口中行

婬彼眠不覺覺時亦不知彼疑佛問言汝覺  
不荅言不覺佛言汝不犯彼犯時有惡比丘  
惡沙彌惡阿蘭若捉眠比丘尼式叉摩那沙  
彌沙彌尼大小便道口中行婬彼眠不覺  
覺時亦不知彼疑佛問言汝覺不荅言  
不覺佛言汝不犯彼犯時有惡比丘惡  
沙彌惡阿蘭若於眠比丘大便道口中行婬  
彼眠覺不受樂還出彼疑佛言汝受樂不荅  
言不受樂佛言汝不犯入者犯時有惡比丘  
惡沙彌惡阿蘭若於眠比丘尼式叉摩那沙  
彌沙彌尼大小便道口中行婬彼眠不覺覺  
已不受樂疑佛言汝受樂不荅言不受樂佛

言汝不犯彼入者犯時有惡比丘惡沙彌惡  
阿蘭若於眠比丘大便道口中行姪彼眠不  
覺覺已知受樂還出疑佛言汝受樂不荅言  
受佛言二俱犯時有惡比丘惡沙彌惡阿蘭  
若於眠比丘尼式叉摩那沙彌沙彌尼大小  
便道口中行姪彼眠不覺覺乃知受樂佛言  
汝受樂不荅言受樂佛言二俱犯時蓮華色  
比丘尼晝日不關戶眠賊入屋行姪已去彼  
眠不覺覺已見不淨汚身彼作是念我身有  
不淨汚將無有人姪犯我耶疑佛言不犯比  
丘尼不應晝日不關戶而眠今時有難隘比  
丘尼晝日在華樹下衆人戲處有賊捉姪犯

彼疑佛言汝難隨受樂不荅言大德如似熱  
鐵入體佛言無犯比丘尼不應住如是處尔  
時有乞食比丘晨朝著衣持鉢至白衣家彼  
門下繫小狗子見比丘便作聲比丘慈愍解  
放去比丘復往餘處故二見喚共行不淨彼  
作是念我放他狗子去已犯波羅夷便與故  
二共行不淨諸比丘作如是念此比丘爲犯  
前爲犯後佛言前不犯後犯而不應放他狗  
子去時有比丘晨朝著衣持鉢往白衣家見  
有豚子溺水中見比丘便作聲比丘慈愍即  
出放去復往餘處見故私通女人喚共行不  
淨彼作是念我放他豚子去已犯波羅夷便

共行不淨餘比丘作是念此比丘爲犯前爲  
犯後佛言前不犯後犯而不應作如是事時  
有異女人往屠牛處買肉持行有鷄鳥抄撮  
其肉在空中失墮乞食比丘鉢中彼女女人見  
之即語言大德此是我肉莫持去比丘荅言  
墮我鉢中非汝肉持去不還前行見媼女喚  
此比丘共行不淨彼作是念我向持他肉來  
已犯波羅夷即共此女人行不淨諸比丘作  
是念彼比丘爲犯前爲犯後佛言前無犯後  
犯而不應受如是肉時有比丘於狗口中行  
媼彼疑佛言波羅夷時有比丘褰衣小便有  
狗舐小便以漸前含男根彼不受樂即還出便

疑佛問言比丘汝受樂不荅言不受樂佛言  
不犯時有比丘褰衣小便有狗舐小便復前  
含男根彼受樂已還出疑佛問言汝受樂不  
荅言受樂佛言汝波羅夷時有比丘褰衣渡  
伊羅婆提河有魚含男根彼不受樂還出疑  
佛問言汝受樂不荅言不受樂佛言不犯時  
有比丘褰衣渡伊羅婆提河有魚含男根彼  
受樂還出疑佛問言汝受樂不荅言受樂佛  
言汝波羅夷時有比丘大小便道中間行姪  
彼疑佛言偷蘭遮在膻中曲脚間脇邊乳間  
腋下耳鼻中瘡孔中繩牀木牀間大小禪間  
枕邊在地泥揣間君持口中若道想若疑一

切偷蘭遮尔時有乞食比丘晨朝著衣持鉢  
往白衣家有童女在門内仰卧而睡彼作是  
念我若男根姪犯入便波羅夷即以足大指  
内彼女根中疑佛言僧殘時有比丘欠口有  
異比丘以男根内口中彼不受樂出已疑佛  
問言汝受樂不荅言不受樂佛言汝不犯入  
者犯自今已去若欠時應以手障口時有比  
丘於浴室中爲異比丘揩身此比丘身輒異  
比丘即生欲心便共行姪彼不受樂還出彼  
疑佛言汝受樂不荅言不受樂佛言汝無犯  
彼入者犯尔時世尊在舍衛國有比丘晝日  
不關戶眠男根起時有衆多女人詣僧坊觀

看至彼比丘屋見比丘仰眠男根起見已慙  
愧疾疾而出諸女人中有賊女共行賊女入  
屋即於比丘形上行姪行姪已持華鬘繫男  
根頭而去彼比丘眠不覺覺已見不淨汚身  
男根有華鬘便作如是念乃有不淨汚身男  
根有華鬘將無有女人於我行姪耶疑佛問  
言汝覺不答言不覺佛言無犯而不應晝日  
不關戶而眠時舍衛國有比丘比丘尼母子  
夏安居母子數數相見旣數相見俱生欲心  
母語兒言汝從此出今還入此可得無犯兒  
即如母言彼疑佛言波羅夷時有比丘於死  
女人上行姪彼疑佛言汝波羅夷若多不壞

波羅夷若半壞偷蘭遮若多壞若一切壞偷  
蘭遮若骨間偷蘭遮尔時蘇卑優婆私語比  
丘言男根女根俱遮行姪可得無犯比丘即  
如言行姪已疑佛言波羅夷時有蘇卑優婆  
私語比丘言汝共我行姪於外出精可得無  
犯即如言行姪已疑佛言汝波羅夷時有姪  
女語比丘言汝以樹葉裹男根行姪可得無  
犯即如言行姪已疑佛言汝波羅夷尔時比  
丘在塚間行遙見死女人身猶衣服莊嚴即  
便行姪已疑佛言汝波羅夷時有比丘守房  
有小女來白時到比丘即捉姪犯破彼女根  
與大便道通即便命終彼疑佛問言汝以何

心答言不以殺心佛言不犯殺犯姪波羅夷  
時有比丘於木女像身中行姪疑佛言犯偷  
蘭遮於壁上女像形行姪佛言偷蘭遮時有  
比丘與天女共行姪已疑佛言波羅夷阿脩  
羅女龍女夜叉女餓鬼女若畜生女能變化  
者女行姪一切波羅夷時有比丘晨朝著衣  
持鉢至白衣家乞食時天大雨有女人佯身  
除決潦水形露彼作是念我不觸其身但以  
男根入得無犯念已即便行姪疑佛言波羅  
夷  
尔時世尊在舍衛國有比丘往阿蘭若處晝  
日眠時有取薪女人於比丘形上行姪已去

比丘不遠而住比丘覺已見身不淨汚念言  
此女必於我身上行姪生疑佛問言汝覺不  
荅言我不覺佛言不犯比丘不應住如是處  
晝日眠

尔時世尊在婆祇提國有比丘住阿蘭若處  
晝日眠有擔草女人於比丘形上行姪比丘  
不覺知已不受樂即却之已打女人比丘疑  
佛問言汝受樂不荅言不受樂佛言汝不犯  
打女人得突吉羅時世尊在瞻婆國有比丘  
至阿蘭若處晝日思惟繫念在前此比丘是  
阿羅漢有風患男根起時有賊女強與比丘  
共行姪比丘如是語阿羅漢猶有欲男根起

耶諸比丘白佛佛言有五事因緣令男根起  
大便急小便急風患慰周陵伽垂嚙有欲心  
是爲五事若阿羅漢有欲心男根起者無有  
是處尔時世尊在王舍城王子無畏男根有  
病令女人含之後得差得差已即於此女人  
口中行姪此女人憂愁不樂便作是念若王  
瓶沙來時我當覆頭露形在王前住若王問  
我言汝狂人耶何故乃作如是我當答言不  
狂是王子所須我今覆護何以故王子常於  
我口中行姪是故覆護後異時王瓶沙往無  
畏所時女人如先所念於王前如是住王問  
言汝狂耶何故如是女答言我不狂是王子

所須是故覆護耳王即喚無畏來語言汝云  
何乃於彼女口中行姪耶無畏聞之甚以慙  
愧後於異時王子無畏言此女人有罪爲著  
黑衣安置城門邊作如是言若有如是病者  
當於此姪女口中行姪得差時諸比丘作如  
是言若爲治病故以男根著彼女人口中含  
不犯耶佛言波羅夷尔時有城名婆樓越奢  
王字海姪女有罪王作是言剥女根兩邊肉  
以此爲罰即便剥之諸比丘作如是言若於  
生人骨間行姪爲犯不佛言偷蘭遮

尔時世尊在王舍城優波離從坐起偏露右  
肩右膝著地合掌白佛言大德陀尼伽陶師

子取王瓶沙材木不與而取是犯不佛言最  
初未制戒不犯復白佛言大德若空處他所  
守護物若取五錢若過五錢是犯不佛言波  
羅夷他物他物想若五錢若過五錢不與而  
取是犯不佛言波羅夷他物疑若取五錢若  
過五錢是犯不佛言偷蘭遮非他物他物想  
取五錢若過五錢偷蘭遮非他物疑取五錢  
若過五錢是犯不佛言偷蘭遮若他物他物  
想取減五錢是犯不佛言偷蘭遮若他物疑  
取減五錢是犯不佛言突吉羅非他物他物  
想取減五錢是犯不佛言突吉羅非他物疑  
取減五錢是犯不佛言突吉羅若作女想取

男物五錢若過五錢是犯不佛言波羅夷若  
作男想取女物五錢若過五錢是犯不佛言  
波羅夷若作此女想取餘女物是犯不佛言  
波羅夷若作此男想取餘男物是犯不佛言  
波羅夷尔時世尊在波羅柰時世穀貴人民  
飢餓乞食難得時有乞食比丘晨朝著衣持

鉢往白衣家有女人器盛飯置地已還入屋  
比丘看左右不見人作是念我取此食於我  
有益即持而去彼疑佛問言汝以何心取答  
言以盜心取佛言若價直五錢取離本處波  
羅夷麩乾飯魚肉佉闍尼如是一切直五錢  
取離本處波羅夷時有乞食比丘晨朝著衣

持鉢往白衣家見有銅盂看左右不見人念  
言此於我有益即持去有疑佛問言汝以何  
心取答言盜心取佛言若價直五錢取離本  
處波羅夷時有乞食比丘晨朝著衣持鉢往  
白衣家見有方獨坐毘毘看左右不見人念  
言取此於我有益即持去疑佛問言汝以何  
心取答言盜心取佛言若價直五錢取離本  
處波羅夷時有比丘於浣衣處取他衣持去  
疑佛問言汝以何心取答言以盜心取佛言  
直五錢取離本處波羅夷時有比丘去浣衣  
處不遠見有曬貴價衣即憶識而去念言還  
時當取便疑佛問言汝以何心取答言以盜

心佛言方便求五錢未離本處偷蘭遮時有  
乞食比丘晨朝著衣持鉢往白衣家見門屋  
下曬貴價衣以脚轉到看彼疑佛問言汝以  
何心答言以盜心佛言方便求五錢未離本  
處偷蘭遮時有乞食比丘晨朝著衣持鉢往  
白衣家見有獨坐牀看左右不見人自念此  
於我有益即持去便疑佛問言汝以何心取  
答言以盜心佛言波羅夷時有乞食比丘晨  
朝著衣持鉢往白衣家見有獨坐牀并衣看  
左右不見人自念此於我有益即持去彼疑  
佛問言汝以何心取答言以盜心取佛言價  
直五錢取離本處波羅夷時有乞食比丘晨

朝著衣持鉢往白衣家見有獨坐牀暫取用  
坐疑佛問言汝以何心取荅言暫取非盜心  
佛言無犯不應不問主而暫取用時有比丘  
取他塔廟中衣疑佛問言汝以何心取荅言  
以真掃衣取佛言無犯不應取他塔廟中莊  
飾衣時有比丘與賣線人共行彼語比丘言  
長老汝等度關不輸稅今欲以此線託長老  
度關時比丘即爲過之便疑佛言汝以何心  
荅言以盜心佛言價直五錢過關便波羅夷  
時有衆多比丘方便遣一人取他物得五錢  
若過五錢彼疑佛言一切波羅夷時有衆多  
比丘方便遣一人取他物中有疑者而不遮

即往取物得五錢若過五錢彼疑佛言一切  
波羅夷時衆多比丘方便遣一人取他物中  
有疑者即遮彼故往取得五錢若過五錢彼  
疑佛言遮者偷蘭遮不遮者波羅夷時有衆  
多比丘方便遣一人盜他物即往求五錢若  
過五錢得減五錢彼作是念我等得減五錢  
不犯波羅夷佛言依本取物麴直五錢波羅  
夷時有衆多比丘方便遣一人取五錢若過  
五錢還共分各得減五錢彼作是念我等得  
減五錢不犯波羅夷佛言通作一分盡波羅  
夷時有衆多比丘方便遣一人取他物彼往  
取減五錢來至此得五錢彼作是念我等得

五錢波羅夷佛言依本取物處偷蘭遮時有  
比丘取彼聚落物來入城疑佛言汝以何心  
取答言盜心佛言取五錢離本處波羅夷時  
有比丘盜他經作是念佛語無價應計紙墨  
直彼疑佛言汝以何心取答言以盜心取佛  
言取五錢離本處波羅夷時有王家勇健人  
以信樂故從世尊出家有異破戒比丘誘誑  
言長老彼某甲村中多有財物亦有健人而  
汝勝彼今可共往取彼財物即答言可尔彼  
比丘語已便共去不遠此比丘作如是念我  
信樂出家不應作如是惡事彼破戒比丘於  
異時復來語言今可共往取彼財物答言我

不往問言何以故荅言我於汝去後思惟作  
是念我不應以信出家而作是事以是故不  
往復於異時彼破戒比丘往彼村盜他物各  
各分已作一分送與此比丘此比丘荅言我  
不須此分我先不作如是言以信出家不應  
作如是事耶疑佛問言汝以何心即具以因  
緣白佛佛言無犯先然可彼突吉羅時有比  
丘欲盜他衣而錯取己衣疑佛言汝偷蘭遮  
時有比丘盜取他衣并得己衣疑佛言己衣  
偷蘭遮他衣波羅夷時有比丘他盜取物而  
奪彼盜者物疑佛言波羅夷時有衆多白衣  
在塚間脫衣置一處埋死人有糞掃衣比丘

謂是糞掃衣即持去諸白衣見已語大德莫  
持我衣去彼荅言我謂是糞掃衣即置衣而  
去疑佛問言汝以何心取荅言以糞掃衣想  
不以盜心佛言無犯若多有衣聚不應作糞  
掃衣取時有比丘去塚不遠行遙見多有糞  
掃衣即聚集而去言還當取餘糞掃衣比丘  
見謂是糞掃衣即持去彼比丘還不見衣至  
寺內見有比丘浣治即語言汝偷我衣犯盜  
彼荅言我不盜取糞掃衣耳彼疑佛言汝以  
何心取荅言作糞掃衣取佛言不犯而不應  
取聚糞掃衣時有居士去塚不遠行遙見有  
大價糞掃衣即往取置草中而去言還當取

與某甲比丘時有糞掃衣比丘見即持去彼居士還不見衣至寺中見比丘浣治即語言汝盜我衣比丘荅言我不盜汝衣取糞掃衣耳疑佛問言汝以何心取荅言作糞掃衣取佛言無犯而不應取如是處糞掃衣時有牧牛人脫衣置頭前而眠有糞掃衣比丘見謂是死人作是念世尊不聽比丘取完死人衣即取死人臂骨打頭彼覺起言大德何故打我也比丘言我謂汝是死人彼牧牛人言汝寧可不別我死生也即打比丘熟手諸比丘白佛佛言不應打死人令破取衣時有衆多小兒脫衣置一處作土堆戲有糞掃衣比丘

見即將去諸小兒見語言莫持我衣去比丘  
答言我謂是糞掃衣置而去疑佛問言汝以  
何心取答言以糞掃衣取佛言無犯而不應  
取聚糞掃衣時六群比丘以石蜜誘誑小兒  
欲將人間賣父母見之即問比丘言大德何  
所說彼答言無所說即留小兒而去彼疑佛  
問言汝以何心答言盜心佛言直五錢離本  
處波羅夷時有比丘盜心倒易他分物籌彼  
疑佛言舉籌便波羅夷時有比丘盜他分物  
籌疑佛言直五錢離本處波羅夷時有比丘  
轉側他籌疑佛言方便取五錢未離本處偷  
蘭遮時有比丘再盜取物不滿五錢彼作如

是念我前後不滿五錢不犯波羅夷佛言前  
後滿五錢波羅夷尔時去祇桓不遠有居士  
耕有客比丘見語言此是僧地莫耕彼荅言  
非僧地我地耳比丘復語言是僧地汝莫耕  
居士即放耕牛去作如是言我自有地而不  
得耕也彼客比丘入祇桓問舊比丘有居士  
去此不遠耕此是誰地荅言是彼居士地舊  
比丘言汝何故問也即具說因緣便疑佛問  
言汝以何心具說因緣佛言汝無犯而不應  
作如是事時優波離從坐起偏露右肩右膝  
著地白佛言若作減損意取五錢若過五錢  
自取若教人取自斷壞若教人斷壞自破若

教人破若燒若埋若壞色是犯不佛言一切  
波羅夷時有比丘分地移他標相疑佛言汝  
以何心荅言以盜心佛言移標相若直五錢  
波羅夷余時衆僧園無水荒毀六群比丘決  
他田水著僧園中疑佛問言汝以何心荅言  
盜心佛言波羅夷時有比丘有檀越家田無  
水荒毀彼決他水著檀越田中疑佛言波羅  
夷時有比丘與白衣家有怨彼決他田水棄  
之令田毀廢彼疑佛言波羅夷時有比丘盜  
他水彼疑佛言直五錢波羅夷諸比丘疑不  
敢取渠水泉陂池水佛言若非人所護者不  
犯時有比丘旃陀羅有鬪諍事有貴價蘇

摩國鉢彼以諍事故常懷憂愁作如是語若有能滅我諍事者當與此鉢時有阿夷頭比丘聰明了了善滅諍事即為彼滅諍已持鉢而去此比丘謂失鉢便行求覓見阿夷手中捉即語言汝偷我鉢彼即荅言我不偷汝鉢汝自有要言若有能滅我諍事者當持此鉢與是故我取耳彼疑佛問言汝以何心取彼具荅因緣佛言汝不犯而不應受如是物時有比丘字耶輸伽有僧伽梨復有比丘字婆修達多不語輒著入聚落乞食彼謂失衣便行求覓見婆修達多著即便捉之言汝犯盜彼荅言我不盜汝衣以親厚意取耳彼疑佛

問言汝以何心荅言以親厚意取非盜心佛  
言無犯而不應於非親厚而作親厚意取時  
有比丘字清淨有僧伽梨有須陁夷比丘不  
問主輒著入聚落乞食主謂失衣便行求覓  
見須陁夷著即捉語言汝取我衣犯盜彼荅  
言我不盜借著耳彼疑佛問言汝以何心荅  
言借著非盜心佛言無犯而不應不問主輒  
著入聚落時有比丘取他梨菓疑佛言直五  
錢離本處波羅夷閻婆菓波梨婆菓蒲萄種  
種菓若直五錢一切波羅夷時有比丘搖他  
梨菓墮欲令損減佛言直五錢波羅夷若搖  
墮閻婆菓波梨婆菓蒲萄種種菓欲令損減

一切波羅夷時有比丘盜他胡苾疑佛言直  
五錢波羅夷時有比丘盜甘蔗疑佛言直五  
錢波羅夷時有比丘取他菜疑佛言直五錢  
波羅夷時有比丘取他蓮華疑佛言直五錢  
波羅夷鉢頭摩拘頭摩分陟利華直五錢一  
切波羅夷若復折壞欲損減他直五錢一切  
波羅夷時有他守視人及賊與比丘佉闍尼  
食比丘作如是意言此非彼食不受諸比丘  
白佛佛言此即是檀越食聽淨洗手受食之  
時有比丘取他藕根疑佛言直五錢波羅夷  
時有比丘在他所守護林中取木疑佛言波  
羅夷時有比丘盜心無根取他食疑佛言波

羅夷時有比丘無根取他食疑佛問言汝以何心答言無盜心佛言無犯妄語故波逸提時有比丘遣比丘盜取繩牀彼使比丘謂不盜即爲取牀來疑佛言方便教者波羅夷使者不犯時有比丘遣比丘取繩牀彼使謂盜取即取牀來疑佛言取者波羅夷教者無犯時有衆多比丘有輿與六群比丘共行六群比丘作是念前到住處當盜取彼輿佛言若在此處盜波羅夷若在道中若至住處盜亦波羅夷時有六群比丘見恒水中有流舩作是念我等可盜取此舩不勞身手彼疑佛問言汝以何心即具答因緣佛言但意無犯而

不應生如是意有比丘盜取他船從此岸至  
彼岸疑佛言波羅夷從彼岸至此岸順水若  
逆水若沉水中若牽著陸地若解他船離處  
一切波羅夷若方便欲解不離處偷蘭遮時  
有二比丘往阿夷羅跋提河中浴見貴價衣  
籠隨水流下一比丘見便言此籠屬我第二  
比丘言籠中物屬我即共取得貴價衣便疑  
佛言汝以何心答言糞掃衣想佛言不犯不  
應取水中糞掃衣時有比丘盜金華鬘疑佛  
言波羅夷時祇桓中有衆多鳥巢住至後夜  
鳴喚亂諸坐禪比丘有舊比丘遣守園人除  
去鳥巢彼於鳥巢中見有金有碎帛持來與

舊比丘彼疑佛言鳥獸無用無犯而不應受  
如是物時祇桓中有鼠穴比丘使守園人壞  
於鼠穴中得藥碎帛持來與比丘比丘疑佛  
言畜生無用無犯而不應受如是物時去寺  
不遠有村諸鼠往村中取胡桃來在寺內成  
大聚六群比丘以盜心取食彼疑佛言波羅  
夷時去祇桓不遠有獵師安機撥捕鹿機中  
有死鹿六群比丘以盜心取食疑佛言波羅  
夷時有比丘晝日往阿蘭若處有賊繫牛在  
樹牛見比丘泣淚比丘慈念便解放去比丘  
疑佛問言汝以何心荅言以慈心無盜意佛  
言無犯不應作如是事時有比丘晝日往阿

蘭若處有賊縛牛置中比丘左右不見人念  
言此於我有益即解牛牽去去不遠還得意  
念便言我何用此牛即放去比丘疑佛問言  
汝以何心取荅言以盜心佛言直五錢離本  
處波羅夷時有狗捉鹿鹿被瘡來入寺而死  
諸比丘取食疑佛言無犯時有獵師捕鹿鹿  
來入寺獵師尋鹿而來問諸比丘言見如是  
如是鹿不諸比丘不見者言不見彼即處處  
求覓得時獵師即瞋嫌比丘言沙門釋子無  
有慙愧妄語欺調自稱我知正法見鹿而言  
不見如是何有正法諸比丘疑白佛佛言無  
犯時有比丘盜取波梨迦羅衣疑離本處佛

言波羅夷時有比丘盜心舉他波梨迦羅衣  
離處疑佛言波羅夷時有比丘盜心轉側波  
梨迦羅衣疑佛言方便求五錢未離處偷蘭  
遮時有比丘盜繩牀木牀大小褥枕氈被水  
瓶并澡罐若杖若扇佛言直五錢一切波羅  
夷時有比丘倒易繩牀言此亦是僧彼亦是  
僧佛言不應倒易時有比丘倒易木牀大小  
褥若枕此亦是僧彼亦是僧氈被瓶澡灌杖  
扇言此亦是僧彼亦是僧佛言不應尔時有  
比丘盜他石彼疑佛言直五錢波羅夷盜塹  
材木竹篔簹文若草婆婆婆草樹皮若他所守護  
樹葉華菓彼疑佛言直五錢一切波羅夷時

有比丘從他衣架上盜取衣疑佛言波羅夷  
時有比丘盜心舉他架上衣離架疑佛言波  
羅夷時有比丘盜心從他架上轉側衣疑佛  
言方便求五錢未離處偷蘭遮時有比丘取  
他衣架上帶并架合取疑佛問言汝以何心  
取答言以盜心取佛言直五錢離本處波羅  
夷時有衆多比丘與六群比丘在白衣家內  
共坐食白衣以大價衣敷爲座中有一六群  
比丘盜心以脚轉側疑佛言汝以何心答言  
盜心佛言方便求五錢未離處偷蘭遮

四分律藏卷第五十五

第四分第六卷

隨

雌反七斯擯反必豚子上音屯溺反奴的反鷄鳥上反尺

一反名反鷯抄撮下七褰衣上音去舐反時只購中古上反

音緣未潦水上反郎剥反必角麩反尺小毳毼音二塔

詳所出完兒官二同惠牧牛上音目土堆丁下

田反陂池上音碑要言上音邀胡苾作下正藕根

上音鳥巢下助獵獾二同良機撥下必欺詞

下去聲



